

O AUTORIMA //
ABOUT THE AUTHORS

Prof. dr. Izet ŠABOTIĆ

Rođen 3. juna 1964. godine u Tucanjama-Bihor (Crna Gora). Osnovnu školu završio u mjestu rođenja, gimnaziju u Beranama, a Pedagošku akademiju u Skoplju. Filozofski fakultet Odsjek za historiju završio na Univerzitetu u Tuzli. Magistrirao 2004. godine na Univerzitetu u Sarajevu, a doktorirao 2008. godine na Filozofskom fakultetu u Tuzli na temu: *Agrarna reforma i kolonizacija u Bosni i Hercegovini od 1945. do 1948. godine.*

Radio u više osnovnih i srednjih škola na području Bosne i Hercegovine u periodu 1985-1994. Od augusta 1994. godine radio u JU Arhiv Tuzlanskog kantona, a od 2002. do 2014. godine obavljao dužnost direktora Arhiva Tuzlanskog kantona.

Na Filozofskom fakultetu Univerziteta u Tuzli angažovan je od akademske 1999/2000. do danas, kao asistent, viši asistent, a od 2008/2009. kao profesor predavač na Odsjeku za historiju na više predmeta na užoj naučnoj oblasti „Novi vijek” i „Arhivistika”. Danas je uposlenik Filozofskog fakulteta Univerziteta u Tuzli u zvanju *redovnog profesora.*



Učestvovao je kao predavač na brojnim međunarodnim naučnim i stručnim skupovima, kao i u pripremi i organizaciji brojnih naučnih i stručnih konferencija održanih u Bosni i Hercegovini iz oblasti historije i arhivistike. Bio je dugogodišnji Predsjednik Organizacionog odbora Međunarodnog savjetovanja „Arhivska praksa”, te glavni i odgovorni urednik dva referentna časopisa: *Arhivska praksa* i *Glasnik arhivâ i Arhivističkog udruženja Bosne i Hercegovine*, te član redakcija nekoliko međunarodnih i domaćih časopisa i drugih publikacija. Trenutno je izvršni direktor Centra za istraživanje moderne i savremene historije Tuzla, te urednik časopisa *Historijski pogledi*. Član je više stručnih i naučnih komisija i timova iz oblasti historije u Bosni i Hercegovini i nekoliko zemalja okruženja. Trenutno radi na realizaciji nekoliko naučnih međunarodnih projekata.

Autor je i koautor 12 knjiga i šest udžbenika, te više od 300 naučnih i stručnih radova iz oblasti historije i arhivistike, objavljenih u više domaćih i stranih časopisa. Urednik i recezent je više od 80 knjiga iz oblasti historije i arhivistike.

Aktivno je sudjelovao u realizaciji brojnih kulturnih, naučnih i stručnih sadržaja i projekata u Bosni i Hercegovini i inozemstvu. Obavljao je brojne dužnosti u stručnim i naučnim asocijacijama na svim nivoima.

Za postignute rezultate u oblasti obrazovanja, nauke i kulture više puta je nagrađivan, kako od strane domaćih, tako i međunarodnih ustanova i institucija.

Živi i radi u Tuzli, oženjen je i otac dvoje djece.

Prof. dr. Sead SELIMOVIĆ

Sead (Mehmed) Selimović, redovni profesor na Filozofskom fakultetu Univerziteta u Tuzli. Rođen je 14. oktobra 1963. godine u Babinoj Luci (općina Kalesija), Bosna i Hercegovina. Osnovnu školu završio je u Tojšićima, a srednju (gimnaziju) u Tuzli. Akademsko zvanje profesora historije i geografije stekao je na Filozofskom fakultetu Univerziteta u Tuzli. Postdiplomski studij *Historija Bosne i Hercegovine* završio je na Filozofskom fakultetu u Tuzli gdje je 20. novembra 2003. godine, odbranio magistarski rad i stekao je pravo na naučni stepen *magistar društvenih nauka iz područja historije*. Doktorirao je 27. decembra 2007. godine na Filozofskom fakultetu u Tuzli i stekao pravo na naučni stepen *doktor društvenih nauka iz područja historije*.



Radio je Osnovnoj školi *Tojšići* od 1. juna 1993. do 30. juna 2002. godine. Od akademske 1999/2000. do kraja septembra 2003. godine bio je angažiran kao saradnik - asistent na užoj naučnoj oblasti *Historija savremenog doba* na Odsjeku za historiju Filozofskog fakulteta Univerziteta u Tuzli. Od prvog jula 2002. do 31. marta 2004. godine bio je zaposlen u Arhivu Tuzlanskog kantona, a od prvog aprila 2004. godine radi na Odsjeku za historiju Filozofskog fakulteta Univerziteta u Tuzli u zvanju višeg asistenta na užoj naučnoj oblasti *Savremeno doba*. U zvanje docenta za užu naučnu oblast *Savremeno doba* izabran je 22. aprila 2008, u zvanje vanrednog profesora 17. januara 2013. godine, a u zvanje redovnog profesora 7. decembra 2022. godine.

Objavio je 95 stručnih i naučnih radova (knjige, priručnici, članci, prikazi), a bio je učesnik i član organizacionog odbora više stručnih i naučnih skupova međunarodnog karaktera. Autor je izložbi i član redakcije više časopisa iz oblasti historije. Glavni je i odgovorni urednik Časopisa Centra za istraživanje moderne i savremene historije Tuzla, *Historijski pogledi*, koji je uvršten u 40 međunarodnih naučnih baza. Ima osjećaj za timski rad.

Učestvovao je u više međunarodnih naučnih projekata i bio urednik, promotor i recenzent više stručnih i naučnih publikacija. Bio je voditelj Odsjeka za historiju (2016-2022), te voditelj drugog ciklusa studija za grupaciju društvenih nauka na Filozofskom fakultetu Univerziteta u Tuzli (2012-2014). Od 17. marta 2021. godine obavlja dužnost voditelja trećeg ciklusa studija na Filozofskom fakultetu Univerziteta u Tuzli. Prof. dr. Sead Selimović je član Odbora za historijske nauke Akademije nauka i umjetnosti Bosne i Hercegovine.

Prof. dr. Miroslav NOVAK

Diplomirao je historiju i sociologiju kulture na Filozofskom fakultetu Sveučilišta u Ljubljani. Od 1986. zaposlen je u Pokrajinskom arhivu Maribor. U razdoblju 1995-1996. prvo je bio vršitelj dužnosti, a zatim od 1996. do 2000. godine i direktor ove ustanove. Od 2000. zaposlen je kao arhivist s doktoratom znanosti, koji je 2007. stekao najviše arhivsko stručno zvanje – arhivski savjetnik.



Postdiplomski studij završio je na Sveučilištu u Zagrebu, gdje je 1999. promoviran u doktora društvenih znanosti – znanstveno područje: informacijske znanosti. Njegov znanstveno-istraživački rad u početku je bio usmjeren na historiografiju i arhivistiku, a u novije vrijeme na arhivske stručne i informacijske probleme suvremene arhivistike.

Svoju pedagošku karijeru započeo je kao predavač arhivistike na Višoj stručnoj školi u mariborskoj drvo-prerađivačkoj školi, a zatim je nastavio prvo kao docent na fakultetu DOBA u Mariboru, a od 2013. u Alma Mater Europaea ECM Maribor, gdje je izvanredni profesor arhivistike od 2018. godine.

Autor je više od 470 objavljenih radova povezanih s arhivistikom, informatikom i historiografijom, te je registrirani istraživač pod SICRIS brojem 12772.

Doc. dr. Vlatka LEMIC

Voditeljica Središnjeg ureda za arhivsku građu Sveučilišta u Zagrebu.

Arhivska savjetnica, predavač na studiju arhivistike u Zagrebu i aktivni sudionik raznih stručnih i međunarodnih projekata i inicijativa vezanih uz korištenje i digitalizaciju kulturne baštine (co:op, Time Machine, CREARCH, THEY LIVE i dr). Autorica je stotinjak stručnih i znanstvenih radova i urednica časopisa @rhivi. Potpredsjednica je ICARUS-a i predsjednica ICARUS Hrvatska, članica Izvršnog vijeća EURBICA-e i EGSAH-a, stručnih tijela ICA-e i TMO ambasadorica.



Dr. sc. Ivo OREŠKOVIĆ

Dr. sc. Ivo Orešković, viši arhivist rođen je 1968. godine u Zagrebu. Srednju školu završio je u Dubrovniku, diplomirao na studiju povijesti i arheologije u Zadru, a doktorirao na Odsjeku za povijest Filozofskog fakulteta Sveučilišta u Zagrebu. Autor je knjige „Malvasija – glasovito vino još iz doba Dubrovačke Republike“, dijaloga između sluškinje Pavle i gospara Điva u trima slikovnicama Dubrovačkih muzeja i autobiografskog romana „Dan kad je umro prijatelj“. U razdoblju od 2000. do 2008. godine obnašao je dužnost ravnatelja Državnog arhiva u Dubrovniku. Danas radi u arhivskom sabirnom centru Metković – Opuzen – Ploče kao viši arhivist na obradi i sređivanju arhivskih fondova sudova i javnih bilježnika iz vremena austrijske uprave i između dva svjetska rata. Redovno aktivno sudjeluje na savjetovanjima i kongresima arhivskih djelatnika u Hrvatskoj, Bosni i Hercegovini i Srbiji. Bavi se znanstvenim istraživanjem povijesti svakodnevice Konavala i doline Neretve i iseljavanja stanovništva s dubrovačkog područja u 19. i 20. stoljeću.



Prof. dr. Nada TOMOVIĆ

Rođena 24. 9. 1963. godine u Dubrovniku. Nastavnički fakultet u Nikšiću upisala je 1982. godine. Diplomirala je na Odsjeku za istoriju i geografiju 1986. godine. Magistrirala je u Beogradu 1992. godine na temu „Rad crnogorskog konzulata u Skadru 1863-1915. godine“. Doktorirala je na Filozofskom fakultetu u Novom Sadu 2002. U radnom odnosu je na Filozofskom fakultetu u Nikšiću od 1987. godine. Predavala i na Fakultetu političkih nauka u Podgorici, smjer Evropske studije, od 2005. do 2016. Oblast njenog interesovanja su opšta istorija, istorija Crne Gore i kulturna istorija Evrope.



Uspješno je mentorisala desetine diplomskih i magistarskih radova. Bila je šef Odsjeka za istoriju i geografiju od 2002. do 2006. godine i šef studijskog programa za Istoriju od 2016. do 2019. godine.

Član je Odbora za društvene nauke Crnogorske akademije nauka i umjetnosti, kao i član novoformirane redakcije za izdavanje i publikovanje novoprikupljenih izvora na staroosmanskom jeziku, a koji se odnose na istoriju

Crne Gore, pri istoj instituciji. Saradnik je na projektu Turski (Osmanski) izvori za istoriju Crne Gore.

Autor je dvije monografije i učestvovala je u realizacija Leksikona Crne Gore I-V. Objavila je više desetina radova u renomiranim međunarodnim i domaćim naučnim časopisima. Učestvovala je na više domaćih i međunarodnih konferencija i kongresa. Za predavanje na Istanbul Univerzitetu (2014), kao predstavnik Crne Gore dobila je specijalnu plaketu od rektora Istanbul Univerziteta.

Mr. sc. Omer ZULIĆ

Rođen je 1976. godine u Tuzli. U Arhivu Tuzlanskog kantona zaposlen od 2004. godine. Obavljao dužnost direktora JU Arhiv Tuzlanskog kantona od 2014. do 2018. godine i od oktobra 2019. do novembra 2021. godine. 2014. stekao najviše stručno zvanje u arhivskoj struci - arhivski savjetnik. Angažovan



u svojstvu stručnjaka iz prakse na Filozofskom fakultetu Univerziteta u Tuzli, Odsjek historija, na kojem je 2013. godine, stekao naučno zvanje, magistar društvenih nauka iz područja historije. Član komisije za polaganje stručnih arhivističkih ispita Tuzlanskog kantona. Član Upravnog odbora Arhivističkog udruženja u Federaciji Bosne i Hercegovine i Upravnog odbora Arhivističkog udruženja Bosne i Hercegovine. Član Društva arhivskih zaposlenika TK. Autor je preko 90 stručnih i

naučnih radova objavljenih u stručnim i naučnim časopisima u Bosni i Hercegovini, Hrvatskoj, Sloveniji i Italiji. Koautor publikacije *Arhivska praksa 1998-2017*. Učesnik je mnogobrojnih naučnih skupova i konferencija u Bosni i Hercegovini i van njenih granica. Recenzent, urednik i promotor više desetina publikacija, te autor i koautor nekoliko izložbi i kataloga izložbi. Član mnogobrojnih organizacionih odbora naučnih konferencija i skupova, te redakcija časopisa i publikacija. Oženjen, otac dvoje djece.

Mr. Spomenka PELIĆ

Diplomirala 1986. godine na Filozofskom fakultetu Univerziteta u Sarajevu, odsjek historija. Od 1988. godine zaposlena je u Arhivu srednje Bosne Travnik na mjestu arhiviste, današnjem Kantonalnom arhivu Travnik. Od 2006.



godine direktorica je Kantonalnog arhiva Travnik. Zvanje arhivski savjetnik dobila je 2010. godine. Član je Društva arhivskih radnika Bosne i Hercegovine/Arhivističkog udruženja Bosne i Hercegovine od 1988. godine i aktivno učestvuje u njegovom radu. U periodu od 2017. do 2021. godine birana je za predsjednicu Arhivističkog udruženja Bosne i Hercegovine, a od 2021. godine je predsjednica Upravnog odbora Arhivističkog udruženja Bosne i Hercegovine. Završila je Master studij (drugi stupanj) na sveučilištu Alma Mater Europaea ECM Maribor 2022. godine i stekla zvanje magistra arhivistike i dokumentologije. Autor više stručnih radova povezanih sa arhivistikom i historiografijom. Učesnik mnogih naučnih i stručnih skupova.

Mr. Jasmin JAJČEVIĆ

Rođen u Tuzli 05. 12. 1989. godine. Osnovnu školu završio u Memićima, a srednju školu u Mješovitoj srednjoj školi u Kalesiji – smjer Gimnazija. Na Filozofskom fakultetu Univerziteta u Tuzli upisan je akademske 2008/2009. godine, Odsjek historija, a završio 2012. godine i stekao zvanje *Bachelor historije*. Drugi ciklus studija upisao akademske 2012/2013. godine, a završio 2014. godine i stekao zvanje *Magistar historije*. Akademske 2019/2020. godine upisao je Treći ciklus studija (*Doktorat*), smjer: Historija, studijski program: Historija Bosne i Hercegovine u 19. i 20. stoljeću.



Volonterski-pripravnički staž odradio je u Arhivu Tuzlanskog kantona, a 2016. godine položio je stručni arhivistički ispit i stekao stručno zvanje *Arhivist*. Od 2022. godine zaposlen u Arhivu Tuzlanskog kantona.

Učestvovao je kao predavač na nekoliko međunarodnih naučnih i stručnih skupova, kao i u pripremi i organizaciji nekoliko naučnih i stručnih skupova održanih u Bosni i Hercegovini iz oblasti historije i arhivistike. Autor je nekoliko desetina naučnih radova iz oblasti historije i arhivistike u referentnim časopisima

u Bosni i Hercegovini i inostranstvu. Član je nekoliko društvenih asocijacija iz oblasti historije i arhivistike. Sekretar Redakcije časopisa *Historijski pogledi*, čiji je izdavač Centar za istraživanje moderne i savremene historije Tuzle. Živi u Kalesiji Gornjoj, općina Kalesija.

Mr. Adnan TINJIĆ

Zvanje profesora historije stekao na Filozofskom fakultetu u Tuzli. Godine 2011. započeo radni odnos kao arhivista–pripravnik u Arhivu Tuzlanskog kantona. Stručni arhivistički ispit položio u martu 2012. godine. Učestvovao u svim segmentima rada ustanove (s naglaskom na obradi arhivske građe, ali i korisničke službe, preuzimanje arhivske građe od registratura i dr), te i poslove prevođenja (engleski jezik), grafičkog i web dizajna, informatizacije i dr. za potrebe ustanove. Učestvovao na brojnim seminarima i savjetovanjima stručnog i naučnog karaktera u zemlji (savjetovanja arhivskih radnika Bosne i Hercegovine, savjetovanja „Arhivska praksa“, radionice i seminari o informatizaciji arhiva i dr) i inozemstvu.



Mr. Marijana TODOROVIĆ BILIĆ

Marijana Todorović Bilić rođena je 26. oktobra 1981. godine u Banja Luci, gdje je završila osnovnu i srednju školu. Diplomirala je istoriju na Filozofskom fakultetu u Banja Luci 2007. Na istom Fakultetu završila je i postdiplomske studije (smjer: Istorija Jugoslavije) 2015. godine, odbranivši magistarski rad *Informisanje i propaganda u Bosanskoj Krajini (1929-1953)*, stekavši zvanje magistar istorijskih nauka. Radila je kao radijski novinar, voditelj i organizator programa od 1998-2011. godine. Učestvovala je u brojnim seminarima iz oblasti medija i novinarstva, koji su održani u Bosni i Hercegovini i inostranstvu. Od 2012. zaposlena je u Arhivu Republike Srpske u Banja Luci, kao viši stručni saradnik – arhivista u Odjeljenju za zaštitu arhivske građe van arhiva. Trenutno je član redakcije časopisa „Glasnika“ Udruženja arhivskih radnika Republike Srpske, ranije „Topola“, časopisa JU Spomen područja Donja Gradina. Učesnik je mnogih stručnih konferencija u zemlji i inostranstvu, te organizator seminara i predavač



iz oblasti kancelarijskog, arhivskog i elektronskog poslovanja. Autor je nekoliko izložbi i naučnih radova iz istorije, te brojnih radova iz arhivistike i kancelarijskog poslovanja. Od aprila 2016. godine je doktorant na Filozofskom fakultetu Univerziteta u Banja Luci, studijski program Istorija Jugoslavije, sa temom *Banja Luka za vrijeme Drugog svjetskog rata 1941-1945. godine*. Tečno govori engleski jezik. Udata, majka jednog djeteta.

Лела ПАВЛОВИЋ

Лела Павловић, историчар, архивски саветник Међуопштинског историјског архива Чачак. Дипломирала је на Катедри за савремену националну историју Филозофског факултета у Београду. Аутор је и коаутор 25 изложби докумената и фотографија, 38 објављених радова, организатор четири научна скупа и три међународне архивистичке конференције. Веома активно обавља послове културно-просветно-пропагандне делатности: предавања, гостовања у локалним радио-телевизијским станицама, коаутор је шест документарних телевизијских емисија и седам документарно – образовна филма Од 2008. године, поверено јој је место директора Установе. За књигу *Историја Чачка. Хронологија од праисторије до 2000.* добила је заједно са колегом Гораном Давидовићем, *Награду Даница Марковић*, као издавачки подухват године. Од 2011. у Архиву покреће н ову едицију *Памћеници*. Током 2009. и 2010. Међуопштински историјски архив Чачак је био организатор манифестације *Летњих дана културе*, који се по Правилима одржавају у периоду од 1. јула до 31. августа у циљу афирмације културног стваралаштва ван установа уз стручну помоћ запослених у култури. Манифестација је заживела, и током те две године изведено је 40 програма. Од 2019. обавља дужност председника Архивистичког друштва Србије, у оквиру кога је организовала три успешне међународне конференције у Чачку, Нишу и Новом Саду (2019, 2020, 2021). За целокупан рад добила је 2019. награду *Златна архива* из Фонда Александра Арнаутовића, који је основан при Државном архиву Србије.



Слободанка ЦВЕТКОВИЋ

Рођена је 1975. године у Шапцу. Дипломирала је на Одељењу за историју Филозофског факултета у Београду. Као професор историје радила је од 2000. године. У Историјски архив Пожаревац долази 2006. године, а 2007. стиче звање архивист, а 2017. виши архивист. Предмет интересовања су јој теме из друштвене и културне историје Србије, посебно међуратног и периода Другог светског рата. Бавила се историјатом архивске службе у Србији и Друштва архивских радника Србије. Током свог досадашњег рада бавила се и конкретним проблемима савремене архивске теорије и праксе и могућностима примене информационих технологија у архивима.



Аутор је и коаутор неколико монографија и студија и преко 40 чланака из историје и архивистике. Учестовала је на више домаћих и међународних научних и стручних скупова. Аутор је и уредник веб портала *Архивистика* од 2011. године (www.arhivistika.edu.rs) и истоимене странице на Фејсбуку. Уредник је и администратор веб сајта Архивистичког друштва Србије. Члан је Редакције часописа Историјског архива Пожаревац „Записи“, редакције билтена Архивистичког друштва Србије „Архивски гласник“ и уредник Зборника радова са Међународног архивистичког саветовања у Чачку од 2019. године, те Зборника радова из Ниша од 2020. године.

Selma ISIĆ

Zaposlena u Arhivu Tuzlanskog kantona od 2006. godine. U dosadašnjem radu objavila preko šezdeset priloga (stručnih i naučnih radova, prikaza i izvještaja), u referentnim stručnim i naučnim časopisima u Bosni i Hercegovini, Sloveniji, Hrvatskoj i Srbiji. Sa stručnim saopćenjima učestvovala na Savjetovanjima arhivskih radnika Bosne i Hercegovine, učestvovala u organizaciji Savjetovanja „Arhivska praksa“, seminara iz oblasti kancelarijskog i arhivskog poslovanja za registrature, okruglih stolova, naučnih i stručnih skupova, itd. Član je nekoliko arhivskih udruženja: Arhivističkog udruženja Bosne i Hercegovine, Arhivističkog udruženja u Federaciji Bosni i Hercegovine, te aktualna predsjednica Društva arhivskih zaposlenika Tuzlanskog kantona. Od 2009. do 2018. bila je sekretar



redakcije časopisa „Arhivska praksa“, a trenutno je sekretar redakcije časopisa „Glasnik arhivâ i Arhivističkog udruženja Bosne i Hercegovine“.

Hatidža FETAHAGIĆ

Viši arhivist u Arhivu Tuzlanskog kantona. Radi od 2002. godine na radnom mjestu Arhivist za rukovanje građom u depou i rad sa korisnicima. Zvanje profesora Bosanskog jezika i književnosti stekla je na Filozofskom fakultetu u Tuzli. Radila je u italijanskim humanitarnim organizacijama, kao prevodilac italijanskog jezika. Jednu školsku godinu je radila u Osnovnoj školi “Dobošnica” u Dobošnici, općina Lukavac, gdje je izvodila nastavu iz predmeta Bosanski jezik i književnost. Aktivno je učestvovala u pripremi i realizaciji Međunarodnog stručnog i naučnog savjetovanja „Arhivska praksa“ u Tuzli od 2002. do 2018. kao član Organizacionog odbora i učesnik sa izlaganjem stručnih radova. Objavila je više stručnih radova iz oblasti arhivistike, te radova iz arhivske građe, kao i članaka i prikaza u referentnim časopisima (*Arhivska praksa*, *Glasnik arhiva i Arhivističkog udruženja Bosne i Hercegovine*, *Tehnični in vsebinski problemi klasičnoga in elektronskoga arhiviranja* i drugi). Koautor je velikog broja arhivskih izložbi. Pripremila je više zapaženih priloga za emisije iz oblasti kulture na RTV TK. Lektorisala je sve brojeve časopisa *Arhivska praksa* od 2012. godine do 2018, i časopisa *Glasnik arhiva i Arhivističkog udruženja Bosne i Hercegovine*, Sarajevo od broja 41 (2011) do danas, te brojne druge publikacije i izložbe čiji je izdavač Arhiv Tuzlanskog kantona. Aktivno učestvuje u radu strukovnog udruženja Društvo arhivskih zaposlenika Tuzlanskog kantona, u kome je obavljala i funkciju sekretara, od oktobra 2010. do 2018. godine, te predsjednika u toku 2018. i 2019. godine. Predsjednica je Skupštine Arhivističkog udruženja u Federaciji Bosni i Hercegovine.



Tamara VIJOG LAVIN MANČIĆ

Tamara Vijoglav in Mančić rođena je 30.6.1979. godine u Zrenjaninu, Republika Srbija, gdje je završila osnovnu i srednju školu. Po sticanju diplome profesora istorije na Filozofskom fakultetu u Novom Sadu (1999/2005), zaposlila se kao pripravnik 2005. godine u Arhivu Vojvodine u Novom Sadu, gdje je 2006. godine položila stručni arhivistički ispit po programu za visoku stručnu spremu. U naredne dvije godine (2006/2008) radila je na poziciji Arhivist – na sređivanju arhivske građe i registratorskog materijala u Odjeljenju za sređivanje arhivske građe Arhiva Vojvodine. U periodu od 2008. do 2010. godine bila je zaposlenik

Raiffeisen banci a.d. Beograd na radnom mestu Saradnika za arhivu, a od 2010. do 2016. godine radila je kao Nastavnik istorije u srednjoj elektrotehničkoj i



građevinskoj školi „Nikola Tesla“ u Zrenjaninu i kao predavač engleskog jezika u školi stranih jezika „Focus“ Zrenjanin, u skladu sa Cambridge diplomom koju je stekla 2006. godine u Novom Sadu. Po dobijanju državljanstva Bosne i Hercegovine 2015. godine i nostrifikaciji diplome, angažovana je u Službi za arhiv, Odjeljenje za javni registar Vlade Brčko distrikta Bosne i Hercegovine (2016/2017) gdje je obavljala poslove vezane za arhivsko poslovanje. Udruženje arhivskih radnika Republike Srpske je 2017. godine

donijelo rješenje ravnopravnosti certifikata o položenom stručnom arhivističkom zvanju za zvanje arhiviste. Po nostrifikaciji arhivskog zvanja, od maja 2017. godine zaposlena je u Službi za arhiv, Odjeljenju za javni registar Vlade Brčko distrikta Bosne i Hercegovine na poziciji arhiviste za evidenciju i zaštitu arhivske građe van arhiva na kojoj se i danas nalazi. Uvjerenjem Arhiva Federacije Bosne i Hercegovine od februara 2022. godine stekla je više stručno zvanje viši arhivist. Autor je više naučnih i stručnih radova, monografija, autor i koautor arhivističkih izložbi („Kroz tri stoljeća Ekonomske škole“, „Tragom brčanskih Jevreja“, „Sestre Milosrdnice u Brčkom 1886/1984“, „Sead Ekmečić“, „Sjećanje na Aleksu Mikića“, itd), te učesnik mnogih međunarodnih arhivističkih savjetovanja i skupova.

Весна Ђаић-ШКОНДРИЋ

Весна Ђаић-Шкондрић рођена је 29.12.1977. у Ријечи, гдје је завршила први разред гимназије. Од 1993. настањена је у Бањој Луци, ту је похађала и завршила други и трећи разред гимназије, а потом четврти разред средње школе завршила у Сједињеним Америчким Државама у оквиру једногодишњег програма за стране ученике. На Економском факултету Универзитета у Бањој Луци дипломирала је 2005. на смјеру Пословна економија и стекла звање дипломираног економисте. Радно искуство стекла је у привредном сектору. Испит за рад у органима државне управе положила је 2013. при Агенцији за државну управу Републике Српске, а од 2017. запослена је у Архиву Републике Српске, гдје ради као архивиста у Одјељењу за сређивање архивске грађе. Ангажована



je i na realizaciji projekata promocije arhivske građe kao kulturnog nasljeđa. Objavila nekoliko radova u arhivskim časopisima. Trenutno je polaznik master studija „Upravljanje kulturnim nasljeđem“ na Ekonomskom fakultetu Univerziteta u Bačkoj Luci. Oblast stručnog i naučnog interesovanja: dostupnost i promocija arhivske građe, potencijali kulturnog nasljeđa, održivi razvoj, novi finansijski modeli u upravljanju kulturnim nasljeđem, kulturno-kreativne industrije. Tечно govori engleski jezik. Udata, majka dvoje djece.

Husein HADŽIĆ

Husein Hadžić, rođen 29. 3. 1973. godine u Bihaću. Osnovnu i srednju školu završio je u Bihaću. Sa temom „Tehnologija recikliranja i prerade papira“ (obnovljivi resursi) diplomirao je na Tehničkom fakultetu Univerziteta u Bihaću na drveno-industrijskom odsjeku.

Od 1998. godine zaposlenik je Arhiva Unsko-sanskog kantona (tada Arhiva Bosne i Hercegovine, Odjeljenje Bihać). Kao arhivist radi na studijsko-analitičkim, upravno-nadzornim, stručno-operativnim i informatičko-dokumentacionim poslovima u okviru Odsjeka za nadzor nad stvaraocima i imaicima dokumentarne građe izvan Arhiva. Zvanje višeg arhiviste stekao je 2014. godine. Priprema i organizuje savjetovanja i seminare iz kancelarijskog i arhivskog poslovanja na području Unsko-sanskog kantona. Učestvuje sa radovima na teme iz arhivistike i arhivske prakse na savjetovanjima u Bosni i Hercegovini.



Koautor je monografije „Ratni amblemi jedinica 5. korpusa Armije RBiH 1992-1995.“, kao i monografije „Stotinu godina bihaćkog zanatstva, trgovine i ugostiteljstva 1878-1978. godina“. Autor je više tematskih izložbi vezanih za obilježavanja značajnih datuma sa području Unsko-sanskog kantona. Urednik je biltena „Arhivistika u registraturama 2000.“ Bihać. Tehnički je urednik više od 30 izdanja stručne i naučne literature iz arhivistike i historije.

Predsjednik je Društva arhivskih radnika Unsko-sanskog kantona, član Skupštine Arhivističkog udruženja Bosne i Hercegovine, predsjednik Nadzornog odbora Arhivističkog udruženja Federacije Bosne i Hercegovine, predsjednik komisije za polaganje stručnog arhivističkog ispita u Arhivu Unsko-sanskog kantona. Također, bio je član Komisije za informatizaciju arhivske službe u Federaciji Bosne i Hercegovine, te Komisije za naučno-istraživačku djelatnost Arhivističkog udruženja u Federaciji Bosne i Hercegovine.

Trenutno radi na više projekata od kojih je najznačajniji izrada dokumentarnog filma o životu u Bihaću od 1992. do 1995. godine.

Emir ŠEČIĆ

Emir Šečić, sekretar Instituta za društvena i religijska istraživanja u Tuzli. Rođen je 30. augusta 1978. godine u Bratuncu. Nakon osnovnog obrazovanja upisuje Behram-begovu medresu u Tuzli koju završava 1999. godine. Akademsko zvanje profesora islamske teologije stekao je na Fakultetu islamskih nauka u Sarajevu. Trenutno završava magistarski studij na Fakultetu za upravu Univerziteta u Sarajevu. U toku studija obavljao je nekoliko značajnih poslova u više studentskih i omladinskih organizacija.



Od 2004. do 2006. bio je Upravnik i prvi direktor Centra za rehabilitaciju ovisnika o psihoaktivnim supstancama u Smolućoj kod Lukavca. Od 2006. do 2018. godine radio je kao imam, hatib i mualim na području Medžlisa Islamske zajednice Tuzla. Od 2018. godine radi na Institutu za društvena i religijska istraživanja u Tuzli. U četverogodišnjem mandatu (2014-2018) bio je član Izvršnog odbora Medžlisa Islamske zajednice Tuzla. Član je Društva arhivskih zaposlenika Tuzlanskog kantona.

Objavio je više publicističkih, stručnih i naučnih radova u *Preporodu*, *Mualimu*, *Godišnjaku MIZ Tuzla*, *Historijskim pogledima*, te u nekoliko tematskih zbornika radova. Učestvovao je na nekoliko naučnih i stručnih konferencija, te bio član organizacionog odbora više stručnih i naučnih konferencija domaćeg i međunarodnog karaktera. Urednik je nekoliko knjiga, zbornika radova i stručnih publikacija.

Živi u Tuzli, oženjen je i otac dvije kćerke.

**Časopis *Arhivski pogledi* br. 3. štampan je uz finansijsku podršku //
Journal of *Archival Views* no. 3. was printed with financial support:**

